

## Prijedlog

Na osnovu člana 137., člana 138. stav 2. i člana 141. Zakona o radu (Službene novine Federacije BiH broj 26/16, 89/18, 44/22) i člana 62. Kolektivnog ugovora o pravima i obavezama poslodavaca i radnika za djelatnost građevinarstva u Federaciji BiH, ugovorne strane:

NA STRANI POSLODAVACA: Udruženje poslodavaca Federacije BiH/Grupacija poslodavaca za djelatnost građevinarstva pri Udruženju poslodavaca FBiH, koju zastupa predsjednik Pregovaračkog tima Udruženja poslodavaca Federacije BiH \_\_\_\_\_,

i NA STRANI RADNIKA: Sindikat građevinarstva i industrije građevinskog materijala Bosne i Hercegovine, koji zastupa Murat Škamo, predsjednik u Sarajevu, dana \_\_\_\_\_. 2023. godine zaključuju

### **KOLEKTIVNI UGOVOR O IZMJENAMA KOLEKTIVNOG UGOVORA O PRAVIMA I OBAVEZAMA POSLODAVACA I RADNIKA ZA DJELATNOST U FEDERACIJI BiH**

#### **Član 1.**

U članu 27. stav (1.) Kolektivnog ugovora o pravima i obavezama poslodavaca i radnika za djelatnost građevinarstva u Federaciji BiH iznos od "4,00 KM" zamjenjuje se iznosom "5,20 KM".

#### **Član 2.**

U članu 28. stav (2.) Kolektivnog ugovora za o pravima i obavezama poslodavaca i radnika za djelatnost građevinarstva u Federaciji BiH iznos od "3,00 KM" zamjenjuje se iznosom "3,70 KM".

#### **Član 3.**

U članu 30. stavu 1. mijenjaju se alineje, i to:

- prekovremeni rad najmanje broj „20%“ zamjenjuje se brojem „25%“ od neto satnice;
- noćni rad najmanje broj „25%“ zamjenjuje se brojem „30%“ od neto satnice;
- rad na dan sedmičnog odmora najmanje broj „30%“ zamjenjuje se brojem „35%“ od neto satnice;
- rad u dane praznika koji su po zakonu neradni najmanje broj „50%“ zamjenjuje se brojem „60%“ od neto satnice.

#### **Član 4.**

U članu 36. stav (2.) Kolektivnog ugovora o pravima i obavezama poslodavaca i radnika za djelatnost građevinarstva u FBiH iznos „08-1,0%“ zamjenjuje se iznosom „1%“.

#### **Član 5.**

Ovaj Kolektivni ugovor zaključuje se na period od godinu dana.

#### **Član 8.**

(1) Ugovorne strane imaju pravo da pokrenu postupak izmjena i dopuna ovog kolektivnog ugovora najkasnije 30 dana prije njegovog isteka važenja.

(2) Ukoliko ni jedna strana ne pokrene izmjene i dopune ovog kolektivnog ugovora smatraće se da je njegovo važenje produženo za period na koji je zaključen.

(3) Ugovorne strane su suglasne da se produženje iz stava (2) ovog člana na odnosi samo na prvu godinu već za svaku narednu godinu, sve dok ugovorne strane ne otkazu ovaj ugovor ili ne pokrenu izmjene i dopune ovog kolektivnog ugovora.

### **Član 9.**

(1) Ovaj Kolektivni ugovor o izmjenama i dopunama Kolektivnog ugovora o pravima i obavezama poslodavaca i radnika za djelatnost građevinarstva u FBiH zaključuje se u pet (5) istovjetnih primjeraka.

(2) Ovaj kolektivni ugovor nakon zaključivanja objavljuje se u „Službenim novinama Federacije BiH“ i stupa na snagu narednog dana od dana objavljivanja u "Službenim novinama Federacije BiH".

SINDIKAT GRAĐEVINARSTVA I INDUSTRIJE  
GRAĐEVINSKOG MATERIJALA BiH

UDRUŽENJE POSLODAVACA FBiH

\_\_\_\_\_  
Murat Škamo, predsjednik

Broj:  
Sarajevo,

\_\_\_\_\_  
Broj:  
Sarajevo,

## O B R A Z L O Ž E N J E

Ugovorne strane, Udruženje poslodavaca Federacije BiH - Grupacija poslodavaca za djelatnost građevinarstva pri Udruženju poslodavaca FBiH i Sindikat građevinarstva i industrije građevinskog materijala BiH, dana 08. novembra 2022. godine zaključili su izmjene i dopune Kolektivnog ugovora o pravima i obavezama poslodavaca i radnika za djelatnost građevinarstva u FBiH („Službene novine FBiH“ broj: 101/22 od 21.12.2022. godine). Izmjene i dopune Kolektivnog ugovora stupile su na snagu dana 22. decembra 2022. godine.

Troškovi života u Bosni i Hercegovini su od 2020. godine značajno povećani. U Bosni i Hercegovini u septembru 2023. godine prema podacima Zavoda za statistiku došlo je do povećanja cijena u prosjeku za 0,6% u odnosu na mjesec august 2022. godine. Posmatrano najviše je zabilježen rast cijena u odjeljcima stanovanja i režisjki izdaci za 0,5%, odjeća i obuća 2,9%, prijevoz 2,4%, zdravstvo 0,3%. Imajući u vidu činjenicu rasta cijena, treba istaći da je nivo cijena u septembru 2023. godine u odnosu na isti mjesec 2022. godine viši za 4,1%.

Imajući u vidu gore navedeno, a shodno članu 62. Kolektivnog ugovora o pravima i obavezama poslodavaca i radnika za djelatnost građevinarstva u Federaciji BiH, Sindikat građevinarstva i industrije građevinskog materijala BiH predlaže izmjenu odredbi člana 27. st. (1.) i člana 28. st. (2). zaključenog Kolektivnog ugovora a isti se odnose na visinu satnice za obračun osnovne plaće radnike, odnosno visinu niže od najniže satnice koju poslodavac primjenjuje u izuzetnim slučajevima predviđenim u članu 28. Kolektivnog ugovora, te izmjenu članova 30 i 36. Kolektivnog ugovora o pravima i obavezama poslodavaca i radnika u oblasti rudarstva u FBiH.